



Broj: A-542/25

Datum: 18.06.2025. godine

ZŠR

Na osnovu člana 64. stav 1. tačka b), člana 70. i člana 89. Zakona o javnim nabavkama («Službeni glasnik BiH», broj 39/14, 59/22 i 50/24), na preporuku Komisije za javnu nabavku broj: A-542/25 od 28.05.2025. godine, glavna kantonalna tužiteljica d o n o s i:

## **ODLUKU**

o izboru najpovoljnijeg ponuđača

### Član 1.

Prihvata se preporuka Komisije za javnu nabavku izražena u Zapisniku o ocjeni ponuda nakon provedene e-aukcije broj: A-542/25 od 13.06.2025. godine i Ugovor o nabavci tonera za potrebe Kantonalnog tužilaštva USK se dodjeljuje ponuđaču DEFTER d.o.o. Sarajevo, za ponudenu cijenu prema tenderskoj specifikaciji roba u skladu sa ponudenom cijenom nakon održane e-aukcije u iznosu od 14.900,00 KM bez PDV-a.

### Član 2.

Nakon pravosnažnosti ove Odluke, prijedlog ugovora dostavit će se na potpis izabranom ponuđaču.

### Član 3.

Obavezuje se izabrani ponuđač iz tačke I ove Odluke, da u roku od 5 (pet) dana od dana prijema ove Odluke dostavi dokaze tražene tačkom 3.1. Tenderske dokumentacije.

### Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama BiH i objavit će se na web stranici Kantonalnog tužilaštva USK.

## O b r a z l o ž e n j e

Postupak javne nabavke tonera za potrebe Kantonalnog tužilaštva USK, pokrenut je Odlukom o pokretanju postupka javne nabavke broj: A-542/25 od 27.05.2025. godine.

Javna nabavka je provedena putem konkurentskog zahtjeva za dostavljanje ponuda. Predmet javne nabavke predviđen je Planom nabavki Kantonalnog tužilaštva Unsko-sanskog kantona za 2025. godinu broj: A-103/25 od 27.01.2025. i A-103-1/25 od 15.04.2025. godine, a) robe, redni broj: 4. – JRJN 30125100-2. Procijenjena vrijednost javne nabavke je 15.000,00 KM bez PDV-a. Za predmetnu javnu nabavku osigurana su sredstva u Budžetu Unsko-sanskog kantona za 2025. godinu na ekonomskom kodu 613400.

Obavještenje o nabavci broj: 1092-7-1-31-3-12/25 dostavljeno je na objavu dana 30.05.2025. godine. Radi provođenja postupka javne nabavke imenovana je Komisija rješenjem glavne kantonalne tužiteljice broj: A-542/25 od 28.05.2025. godine.

Ugovorni organ je proveo postupak prikupljanja ponuda, kao i ostale aktivnosti vezano za nabavku a u skladu sa odredbama Zakona o javnim nabavkama.

Rok za dostavljanje ponuda bio je 10.06.2025. godine u 09:00 sati.

Nakon isteka roka za dostavljanje ponuda evidentirano je da su u roku pristigle tri ponude i to:

1. A-542/25 br. 1 - Defter d.o.o. Sarajevo - brzom poštom - 05.06.2025. - 11:00h
2. A-542/25 br. 2 - Ekoprint d.o.o. Banja Luka - brzom poštom - 09.06.2025. - 09:36h
3. A-542/25 br. 3. - Primaprom d.o.o. Banja Luka – brzom poštom - 09.06.2025. – 9:36h

Komisija za javnu nabavku je dana 10.06.2025. godine u 11:00 sati blagovremeno i pravilno izvršila javno otvaranje ponuda, a zatim i ocjenu pristiglih ponuda, te utvrdila da su ponude gore navedenih ponuđača formalno uredne i za ugovorni organ prihvatljive, nakon čega je zakazala e-aukciju za dan 13.06.2025. godine u 11:00 sati.

Predviđeno trajanje e-aukcije je bilo 10 minuta. Nakon završetka e-aukcije po izvještaju o toku i završetku e-aukcije broj postupka: 1092-7-1-31/25 od 16.05.2025. godine, utvrđeno je da je bilo podnošenja ponuda od strane jednog ponuđača i to Defter d.o.o. Sarajevo, te je Komisija dana 13.06.2025. godine utvrdila konačnu rang listu ponuđača koji su učestvovali u e-aukciji kako slijedi:

R. br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	DEFTER d.o.o. Sarajevo	4200303990007	14.900,00 KM	0,47%	1
2.	PRIMAPROM d.o.o. Banja Luka	4400938000002	14.908,58 KM	0%	2
3.	EKOPRINT d.o.o. Banja Luka	4400841850001	14.946,70 KM	0%	3

Shodno odredbi člana 64. Zakona o javnim nabavkama BiH kriterij za dodjelu ugovora po konkurentskom zahtjevu za dostavljanje ponuda je najniža cijena.

S obzirom na naprijed navedeno Komisija za javnu nabavku je dala preporuku glavnoj kantonalnoj tužiteljici da se ugovor dodijeli ponuđaču DEFTER d.o.o. Sarajevo u postupku



javne nabavke tonera za potrebe Kantonalnog tužilaštva USK, jer je navedeni ponuđač ponudio najnižu cijenu u iznosu od 14.900,00 KM bez PDV-a.

Međutim, nakon što je Komisija dana 13.06.2025. godine sačinila i potpisala zapisnik o ocjeni ponude nakon e-aukcije, ugovorni organ je kako elektronskim putem, tako i telefonskim putem obavješten od strane od strane ponuđača Primaprom d.o.o. Banja Luka i Ekoprint d.o.o. Banja Luka da u vrijeme kada je bila zakazana e-aukcija nisu mogli pristupiti Portalu javnih nabavki zbog tehničkih smetnji, pa samim tim nisu mogli učestvovati na e-aukciji. Ugovorni organ se iz navedenih razloga, a u skladu sa članom 9. Pravilnika o uslovima i načinu korištenja e-aukcije ("Službeni glasnik BiH br. 80/23), putem Portala javnih nabavki obratio Agenciji za javne nabavke BiH sa obrazloženim zahtjevom za ponovnim zakazivanjem e-aukcije u predmetnom postupku, prilažući kao dokaze obavještenja i zahtjeve navedenih ponuđača. Ugovorni organ je istoga dana o navedenom putem e-maila obavijestio i ponuđača Defter d.o.o. Sarajevo.

Dana 16.06.2025. godine Agencija za javne nabavke BiH je putem e-maila, kao i putem Portala javnih nabavki obavijestila ugovorni organ da se zahtjev za ponovnim zakazivanjem e-aukcije odbija iz razloga što je nakon detaljne analize sistema e-nabavke, kao i hardverske opreme na kojoj se hostira sistem e-nabavke, ustanovljeno da nisu postojali problemi za koje je odgovorna Agencija, te da samim tim nema osnova za ponovno zakazivanje e-aukcije u skladu sa članom 9. stav 1. Pravilnika o uslovima i načinu korištenja e-aukcije ("Službeni glasnik BiH br. 80/23).

Uzimajući u obzir navedeno ugovorni organ je primjenom kriterija najniže cijene prihvatio ponudu ponuđača DEFTER d.o.o. Sarajevu u iznosu od 14.900,00 KM bez PDV-a postignutu na e-aukciji, te ugovor u postupku javne nabavke tonera za potrebe Kantonalnog tužilaštva USK dodjelio navedenom ponuđaču.

Slijedom svega prethodno navedenog odlučeno je kao u dispozitivu.

#### POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. i čl. 101. Zakona o javnim nabavkama BiH.



**GLAVNA KANTONALNA TUŽITELJICA**

Mr. sci. Merima Mešanović

Dostaviti:

1. Ponuđačima
2. IKT službeniku radi objave na web stranici
3. a/a